



Broj: 01-04-8-1101/22-6
Datum: 28.10.2022. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-1101/22-3 od 27.10.2022. godine, načelnik Općine Travnik, **donosi**

RJEŠENJE

o izboru najpovoljnijeg ponuđača

- (1) Najpovoljnija ponuda za javnu nabavku radova: „Izvođenje radova na regulaciji rijeke Bile i izgradnji kanalizacije“ sa podjelom na lotove, je ponuda ponuđača „**TECTA“ D.O.O. TRAVNIK** sa ponuđenom cijenom za:
 - **LOT 3 - Izvođenje radova izgradnji AB zida u mjestu Đepinove kuće**, u iznosu od 5.028,00 KM bez uračunatog PDV-a.
- (2) Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.
- (3) Ovo Rješenje objaviće se na web stranici ugovornog organa (www.opcinatravnik.com.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke radova: „Izvođenje radova na regulaciji rijeke Bile i izgradnji kanalizacije“ sa podjelom na lotove pokrenut je Rješenjem o pokretanju postupka broj: 01-04-8-1101/22 od 23.9.2022. godine. Javna nabavka provedena je putem otvorenog postupka nabavke. Procijenjena vrijednost javne nabavke bez uračunatog PDV-a iznosi 33.333,00 KM, što predstavlja zbir procijenjenih vrijednosti tri lota. Procijenjena vrijednost za LOT 3 – Izvođenje radova izgradnji AB zida u mjestu Đepinove kuće, iznosi 4.273,00 KM bez PDV-a.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-3-105-3-98/22 od 30.9.2022. godine, „Službeni glasnik BiH“ broj 66/22. Rok za dostavljanje ponuda u skladu sa tenderskom dokumentacijom bio je 20.10.2022. godine.

Komisija za javnu nabavku imenovana je Rješenjem broj: 01-30-10-744/22 od 24.6.2022. godine, te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje u roku dostavljenih ponuda. Javnom otvaranju ponuda nisu prisustvovali predstavnici ponuđača. Zapisnik o otvaranju ponuda ponuđačima je proslijeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji, odnosno izvršila ocjenu ponuda u skladu s procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da su za LOT 3 ukupno prispjele 3 (tri) ponude;
- Da su za LOT 3 blagovremeno zaprimljene 3 (tri) ponude;
- Da nije bilo neblagovremenih ponuda;
- Da je ponuda ponuđača prihvatljiva;
- Da nema neprihvatljivih ponuda.

Obzirom na to da je ugovorni organ u tenderskoj dokumentaciji i Obavještenju o nabavci predvidio primjenu e- aukcije, u skladu sa članom 4. stav (2) Pravilnika, e – aukcija za je održana dana 26.10.2022. godine. Izvještaj o toku i završetku e – aukcije dostaviće se u prilogu zapisnika o pregledu i ocjeni ponuda.

LOT 3 – Izvođenje radova izgradnji AB zida u mjestu Đepinove kuće

R/br	NAZIV PONUĐAČA	Početna cijena ponude u KM	Cijena ponude nakon e – aukcije u KM	Postotak umanjenja	RANG
1	GP "TECTA" DOO TRAVNIK	6.086,00	5.028,00	17,38% **	1
2	MERKEZ OIL DOO	5.034,00	5.034,00	0	2
3	GPD TELING DOO	6.990,00	6.990,00	0	3

Komisija za ovu javnu nabavku je uputila načelniku općine i službi pokretaču javne nabavke dopis broj 01-04-8-1101/22 od 26.10.2022. godine i zatražila mišljenje po pitanju obezbjeđenja dodatnih sredstava za predmetne radove, a kako bi dala preporuku za zaključenje ugovora ili poništenje postupka. Naime, Komisija je utvrdila da je ponuda prvorangiranog ponuđača za LOT 3 prihvatljiva ali premašuje procijenjenu vrijednost. Dana 27.10.2022. godine Služba za obnovu, izbjeglice, raseljena lica i stambene poslove Komisiji za javne nabavke dostavila je saglasnost na naprijed navedeni akt te je Komisija nastavila sa radom.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: Izvođenje radova na regulaciji rijeke Bile i izgradnji kanalizacije sa podjelom na lotove donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda za nabavku radova za LOT 3 određuje ponuda ponuđača „TECTA“ D.O.O. TRAVNIK, te da se u skladu sa članom 69. stav (1) alineja pod a) i Članom 70. stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjelih ponuda shodno kriterijima iz Tenderske dokumentacije.

POUKA O PRAVNOM LIJEKU:

Protiv ovog Rješenja može se izjaviti žalba roku od deset (10) dana Uredu za razmatranje žalbi putem ugovornog organa, na adresu: Općina Travnik, ul. Konatur bb, 72270 Travnik. Žalba se podnosi u dovoljnom broju primjeraka, koji ne može biti manji od tri. U skladu sa članom 108. Zakona o javnim nabavkama podnosilac žalbe je obavezan platiti naknadu za pokretanje žalbenog postupka. Uplata naknade vrši se u skladu sa Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. ZJN ("Službeni glasnik BiH" broj 86/14).

Obradila: Aida Kavazović




DOSTAVLJENO:

- Ponuđačima
- Web stranica UO
- a/a